

經律異相卷第三十

羅十

梁沙門僧旻寶唱等奉勅撰

諸國王夫人部第二十一

阿育王夫人受八歲沙彌化一

王后生肉棄水遂生二子爲毗舍離人種

二
羅十

拘藍尼國王后悟法三

末利夫人持齋四

優達那王妻學道生天五

國王大夫人與一賢者共王造寺六

阿育王夫人受八歲沙彌化第一

昔阿育王未解佛法造諸地獄入者必治酷
以衆毒後得信心因棄諸非奉事正覺人民
疾疫王斷內外不得相通畏病及宮中遣信
白聖衆乞遙呪願可遣一比丘入宮達覩使
天下安疾病銷除衆僧可之願以見告時聖
衆遣一沙彌其年八歲名曰妙顏已得羅漢
神通具足飛到王宮見夫人姝女宣語所之
并顯道德知佛至尊況弟子乎妙顏受教飛
入王宮住王后前王后作禮舉手欲抱言妙

顏子何能自屈顯其神足妙顏謂夫人曰且却且却不宜身近沙門夫人答曰卿年幼小方始八歲心相戀念猶如吾子雖身近之當何所苦沙彌答曰近情喻之如夫人教情從微起猶粟之火能燒萬里之野譬指滴之水陷穿王石亦能盈器事皆以漸以少致多以小成大是以智者遠嫌避疑以防未然沙彌夫人因相難往來言聲遂高聲徹正殿王問傍人是誰語聲如有所諍傍臣答曰沙彌妙顏適至宮中與正后語音聲高亮乃聞於此

王即起往與之相見作禮問訊以何所諍沙彌答曰貴后見顏垂意見愍欲往相抱道法不應故難却之耳阿育王曰卿年尚幼猶如吾子愛念抱之當有何嫌乃以壯言相折耶沙彌答曰不如王語古聖制儀預其未萌亦戒終始女子年七歲不戲父机男兒八歲不踞母牀果下不捫首爪田無摸足所以然者遠嫌避疑杜漸銷萌也勸示將來使防未然吾心以淨無復微翳譬如蓮華泥水不染猶水精瑠璃之器也實如來談等於母子所以

無異雖知無瑕當爲不能者施王與夫人聞
其所言驚然奇之如妙顏言年幼八歲尚顧
衆難況年長大三毒未滅者於是沙彌爲說
法夫人嫁女五百餘人悉得道跡及正后傍
臣太子皆發道意尋時得立不退轉地出沙八歲

彌開解國王經

王后生肉棄水遂生二兒爲毗舍離人種第

二

往昔波羅奈國王夫人懷妊此夫人自知懷
妊而白王言王即供給養視皆使調適月滿

生肉一段赤如槿花諸餘夫人生兒端正我
生段肉無有手足心生羞耻若王見者必生
惡賤盛貯器中打金作薄以朱沙題上是波
羅奈國王夫人所生蓋覆器頭以王印印之
以金薄書置器外送放江中使人棄已諸鬼
星一神管護使無風浪時一道士依牧牛人住於
江邊清朝漂洗遙見此器拾取見金薄書字
復見有王印印之便開器看唯見肉段而作
是念若是死肉久應爛臭必有異相將還住
所善舉一處過半月已而成二片自爾之後

復經半月二片各生五胞却後半月一片成男一片成女男色如黃金女色如白銀道士見之心生愛重如自有子兩手拇指自然出乳一指飲男一指飲女乳入子腹譬如清水摩尼之珠內外明徹道士號兒名爲離車子

此言皮薄亦言同皮道士養此二子極爲辛苦旦入聚落乞食兼爲二子日晏方還是時牧牛人見道士爲此二子辛苦如是謂言大德出家人正應行道何爲二子妨廢道業可持乞我我等爲養活道士言善哉是牧牛人各還到家

明日與諸同伴平治道路豎立幢旛散雜色華鳴鼓來迎二子到道士處白道士言今此二子時可去矣道士付囑此二子者有大福德不可度量汝等善好料理當以乳酪生熟酥五種而供養之若此二子長大還自共匹對覓好平博處所安立住止可拜男爲王女爲夫人牧牛人等受教而去二子年至十六以平博處縱廣一百由旬中央起宅以女嫁男立爲夫婦後一產二兒一男一女如是十六過生諸牧牛人見王子漸多更開舍宅造

諸園地合三十二人牢舍如是遂乃三過開廣故名爲毗舍離

出善見律批
婆沙第十卷

拘藍尼國王后悟法第三

佛與千二百五十比丘遊拘藍尼國美音精舍足蹈門闈天地震動珠璣樂器不鼓自鳴蠱毒隱伏吉瑞和清境界人民靡不渴仰王名優填強競侵剋開納佞言耽荒女樂置左右二后容姿妙絕左字照堂慄懾讒嫉右字該容常行仁愛王珍其操每事私焉該容有老宿青衣名曰度勝恒行市香每省合集飯

佛及僧佛爲說法盡心不忘施訖還宮持所市香因此功德本行所追香氣遠聞斤兩倍香該容詰問首減香錢飯佛及僧法深義妙非世所聞該容聞佛心生歡喜自念無因得聞正法即報度勝汝爲我說度勝啓曰身賤口穢不敢便宜如來尊言乞行詣佛受勑而還便遣出宮重告之曰具受儀式度勝未還夫人與侍女側塞中庭佛告度勝汝還說法多有度者說法之儀先施高座度勝具宣聖旨該容欣悅開笥出衣積爲高座承佛威神

如應說法夫人該容及諸侍女疑解得道度
勝得總持照堂妬憤數譖非一王不肯從後
又說之王心乃惑伺其齋時勸王奏樂請右
夫人王便普召被命皆會該容持齋獨不應
命反覆三召執節不移王怒隆盛縛曳殿前
將欲射殺該容寸心歸佛王自射兩箭皆還
自向王怖而解之問曰汝有何術乃至是耶
對曰唯事如來歸命三尊朝奉佛齋過中不
食加行八事莊飾不近必是世尊哀愍若茲
王曰善哉豈可言也當詣精舍奉觀世尊會

有敵國興兵入界王自出征顧命梵志名曰
吉星權領國政照堂喜曰吾父領正殺子必
矣女與父謀遂燒殺該容及諸侍女詐言失
火謂可掩塞事後發露王大恚之遠徙吉星
捐於界外照堂等輩幽之地窟摧逐邪道廣

闡佛化

出中本
起經

末利夫人持齋第四

佛在舍衛國國王羣臣莫不宗仰時有賈客
名曰波利與五百賈人入海求寶時海神出
掬水問波利言海水爲多掬水爲多波利答

言掬水爲多海水雖多不能救飢渴之人掬水雖少能濟渴乏之命世世受福不可訾計海神歡喜即脫身上八種香瓔校以七寶以上波利波利還國持此香瓔上波斯匿王王甚珍奇即列諸夫人若最好者以香瓔與之六萬夫人盡嚴束而出王問末利夫人何以不出侍人答言今十五日持佛法齋素服不嚴王曰如今持齋應違王命乎如是三反末利夫人素服而出在衆人中明如日月倍好於常王意竦然加敬問曰有何道德炳然有

異夫人白王自念少福稟斯女形情態垢穢日夜山積人命促短懼墜三塗是以月日奉佛法齋割愛從道世世蒙福王聞歡喜便以香瓔與之夫人辭曰我今持齋不應著此可與餘人王曰我本發意欲與勝者卿今最勝又奉法齋道志殊高是以相與若卿不受吾何安置夫人答言大王勿憂願王屈意共到佛所以此香瓔奉上世尊并採聖訓累劫之福矣王即許焉即勑嚴駕往至佛所白佛言海神香瓔波利所上六萬夫人莫不貪得末

利夫人與而不取持佛法齋心無貪欲謹以上佛願垂納受世尊弟子執心難齊直信如此豈有福乎於是世尊爲受香瓔即說偈言多作寶華結步搖奇廣積德香所生轉好奇草芳華不逆風熏近道敷開德人遍香栴檀多香青蓮芳華雖曰是真不如戒香華香氣微不可謂真持戒之香到天殊勝戒具成就行無放逸定意度脫長離魔道

出法句經
第二卷

優達那王妻學道生天第五

槃提國王名優達迦葉佛時出家修道仰值釋迦皆得道迹其國殷富人民熾盛王有二萬夫人第一夫人字曰月明容儀端正王甚愛敬不過半歲夫人將終相現王甚憂感月明問之王曰汝壽將終情愛別離是故愁耳羅十月明答言夫生有死自世之常何獨憂耶若降顧念但放出家王聽入道汝若出家設未成道必生天上若生天上還至我所聽汝出家月明即許其誓喚比丘尼即捨五欲多來問訊恭敬供養妨其道業是故遊行諸國從

出家日數滿六月持戒清淨厭患世間得阿
那舍道終一聚落即生色天觀昔因緣於王
有約欲赴本誓觀王沒於五欲懶悞難化直
爾而往無以感發宜以恐逼爾乃降伏便自
變身作大羅刹衣毛震豎執五尺刀因王夜
卧去之不遠懸在空中王甚大怖即語王言
汝雖士衆千萬今唯屬我不得自在死時已
至何緣自濟王即報言我無因緣唯恃本所
善修心清淨死生善處天言此最可恃更無
餘理王便問言汝是何神使我怖畏天答我

是月明夫人王放出家思惟離欲生色天上
今來赴約王言汝雖說此我猶不信復汝本
形爾乃可信天即變爲昔形衣裳服飾如本
而立王欲心發即趣欲捉月明即昇虛空爲
王說法曰此身無常彈指叵保譬如朝露日

出則滅不唯無常貪著我身王不見盛年華
色老所吞滅諸根朽邁目視不明耳聽不聰
形敗齒朽無所復堪譬言如釀酒換取醇味糟
無所直是身既老無所貪樂唯有死在身既
生死無常與俱王不見胎夭幼壯皆死是身

危脆死賊常隨身心火然但是衆苦心有三
委身有寒熱飢渴而不生厭貪著我身宮人
妓女華色五欲國財妻子悉非我有死去之
時無一隨者身尚自棄何況餘物悉沒五欲
羅十迴流生死莫知出路王是智人何不厭離出
家求道王善心生許其出家月明重化之曰
君當出家求於妙法受而修行日夕精進翹
勤勿懈說此語已忽然不現王即禪位太子
捨離五欲投迦旃延出家爲道時人以其捨
重榮利求正真道臣吏人民多來供養恭敬

問訊妨修道業於是遊行至摩竭國佛爲說
法得阿羅漢道執持瓦鉢入王舍城乞得宿
飯還林坐食經沙王出遊詣林問訊曰汝本
爲王出入營從今作乞兒獨行勾食豈可樂
耶汝還罷道分半國治道人答言我本國王
聚落甚多今復何緣捨大就小非我所宜瓶
沙王曰汝本食以上味盛以寶器今執瓦鉢
乞殘宿食不亦難乎汝本爲王勇士侍衛今
日單獨豈不忍耶本在深宮妃妓妙色盈悅
耳目坐以寶牀敷以細褥今日獨宿林野卧

坐唯草豈不苦哉答曰我今知足無所貪樂
瓶沙王曰卿今可憐答言卿是可憐非是我
也所以者何卿五欲所纏恩愛所驅不得自
在我今快樂心無罣礙瓶沙聞已即便還去

出
藏經

國王大夫人與一賢者共王造寺第六

昔有一人見浮圖寺意欲作之而錢帛不足
發願入海益得金寶我當作寺國中第一得
金銀還復熟思惟誰能同意共作寺者國王
常言我欲作寺塔今初未作當以珠寶瓔貢

上於王王得歡喜問何處得此賢者言我願
作寺不辨獨作入海得寶當作寺今安隱還
是我一利至得金寶是我二利意不貪著興
立寺舍是我三利我倚三利功德今欲作寺
唯無人力工夫故以聞王王言我亦有三利
欲作塔寺身得作王爲人中上是我一利豐
饒財寶人兵是我二利四方皆伏是我三利
當與卿共作寺王呼五百夫人以珠與之五
百夫人皆自莊飾各欲得珠唯大夫人獨不
莊梳王問何故答亦有三利故得作王夫人

一宮所敬是我一利生男爲太子是我二利常樂經道欲作佛圖寺是我三利王言善哉以珠與之大夫人以百千兩金助王立寺王

與國中賢者作寺廣千步皆以金銀刻鏤王

言唯我三人有此福我國中人不蒙此耶遣

使街里宣令誰能多少有善意得福無量有貧窮女唯一小屋乞匄衣食聞之自責宿不布施今致困窮解身布裙向中擲與使者以裙助王我形裸露無衣可出王聞驚怪乃有是善心即勑將來使者曰此女人無衣可著

王勑五百夫人各取一領衣與之速往迎取王即見之拜爲第二夫人令教授宮內出警經

卷第
四

經律異相卷第三十

三十

音釋

達覩梵語此云財施觀初覩切機舉履切居御切蹲蹲也
木名隱切貯貯存呂切案屬切班交閨苦木切
也切猛懼切貯貯也黠黠音竹器切相吏吏也跋報薄切
懼懼也懼懼也言言音切忿忿父吻切
懼懼也懼懼也多惡多惡不調也許許切醜醜汝也